





1. Egl auto da posta duei reger in bien clima.
2. En sesez dat ei buca in uorden da seser. Gl'ei denton tradiziun ch'ei vegn sesiu tenor vegliadetgna. Ei duei pia valer: pli giuvens ch'ils affons ein, e pli anavon ch'els sesan.
3. Da principi vegn sesiu tochen ch'igl auto da posta va.
4. Duess ei buca haver plaz avunda, sto vegnir stau sin peis.
5. Ha ei buca plaz avunda egl auto da posta, ed entran carschi, eis ei ina biala schesta sch'ils scolars porschan ils plazs ch'ei drova.
6. Il turnister/sacados ei da prender sin sesez ni da metter giun plaun denter ils peis.
7. Egl auto da posta duein ils scolars buca schar ir musica. Ei astga vegnir tedlau cun recepturs, denton mo aschi dad ault ch'ei disturba buca il vischin.
8. Ils scolars duein buca magliar e beiber egl auto da posta.
9. Avis ed instrucziuns dils manischunzs ein da suandar.
10. Ei duei reger in cumpurtament da respect cun in bien tun da comunicaziun denter ils scolars sezs, sco era denter ils scolars ed ils manischunzs.
11. Provocaziuns, offensiuns, sestalgems ein da tralaschar diltuttatfatg.
12. Avon ch'entrar egl auto da posta ei da schar vegnir ora eventuals viagiaturs.
13. Igl entrar egl auto da posta ed il sortir duein succeder ruasseivlamein, senza sestuschar, e senza hectica.
14. Il spitgar igl auto da posta ed igl entrar egl auto pretenda ina certa disciplina. Ei valan ils dus puncts suandonts en caussa.

15. Entrar egl'auto da posta a Breil:



- Ils scolars spetgan datier dalla casa „Sentupada“ tochen ch'igl'auto da posta arriva e stat eri*.



- Ils scolars van lu senza cuorer e senza sestuschar davos igl'auto da posta vi ed entuorn, spetgan alla porta tochen che eventuals viaggiaturs sortan, ed entran lu.

16. Entrar egl'auto da posta a Danis:



- Ils scolars spetgan sil plaz **sut** la stizun tochen ch'igl'auto da posta arriva e stat eri*.



- Cu igl'auto da posta stat eri*, van ils scolars senza cuorer e senza sestuschar suenter igl'auto da posta si, spetgan tochen che eventuals viaggiaturs sortan, ed entran lu.

*tenor il motto: Rad steht – Kind geht.

17. Il sedepurtar dils scolars en general, ed en tut special enviers la glied carchida, ei la carta da viseta dalla giuventetgna e dalla scola. Aschia fa era il porscher plaz als carschi, il salidar honzeliamein la glied cun „bien gi“ e „buna sera“ part d'ina biala demananza.

18. Il semeglient vala per l'impressiun che nus fagein sin nos hosps da vacanzas. Nossa moda e maniera ei la carta da viseta da nossa regiun la quala seporscha cul num „Regiun vacanzas“ che viva per ina buna part dil turissem.

Approbau dalla cumissiun da scola a caschun dalla sesida dils 3 d'october 2018.

Danis, ils 3 d'october 2018

Il president dalla cumissiun da scola
Sievi Sgier

Il menader da scola
Francestg Friberg